

IMBIZO YA MOPRESIDENTE

— LE MOPRESIDENTE CYRIL RAMAPHOSA —



LEAVE NO
ONE BEHIND



Ho utlwisisa Ntshetsopele ya Ntlafatso ya Ditereke (DDM)

Setereke se le Seng, Leano le le Leng, Moralo o le Mong wa Tshebetso le wa Ditjhelete.

1. Ke eng DDM?

Lena ke leano la mmuso la ntlafatso, meralo le phano ya ditshebetso setjhabeng maemong ka boraro a mmuso mme ho tsepamisitswe tshebetso haholo diterekeng le ditoropong tse kgolo mmoho le matseteng a lekala le ikemetseng.

2. Hobaneng re sebedisa DDM?

DDM e ne e tjhaellwe monwana ke Kabinete ka la 21 Phato 2019 ka maikemisetso a ho:

- ntlafatsa ka matla puso ya kopanelo le tshebedisano pusong eo ka yona ho ikemiseditsweng ho theha naha e nang le bokgoni e tswetseng pele ka tshebetso e ntle.
- tiisa bokgoni le maano maemong ohle a mararo a mmuso mabapi le ditereke tsohle tse 52 mmoho le ditoropo tse kgolo kapa dibaka tsa teng.
- tlisa mookgwa o tswetseng pele oo mmuso o tlang ho sebetso ka ona dibakeng ka leano lena la meralo ya kopanelo ya tshebetso, ya ditjhelete esitana le ya ho kenya maano ao tshebetso.
- etsa hore, ka meralo ena ya kopanelo, maemong a mararo a mmuso, makaleng ohle a mafapa le ditsing tsohle tsa mmuso, ho be le leano la nako e telele ka meralo ya ditjhelete ya dilemolemo le ya dihla tse fapafapaneng tsa dikgetho.
- kopanya meralo yohle ya kopanelo e be Leano le le Leng la nako e telele.
- fana ka tataiso le ho ntlafatsa ho kengwa ha maano tshebetso mmoho le ho a beha sehlohlolong mmoho le meralo ya ditjhelete maemong a mararo a mmuso.
- sebedisa Dikamano tse teng tsa Tshebetso ya Kopanelo (IGR) ho ka tjhabela monwana Moralo ona o le Mong wa Tshebetso, ho o amohela mmoho le ho o beha leihlo.
- beha DDM maemong a hodimodimo ka tshehetso ya Mopresidente le Kabinete ya hae le Lefapha la Kopanelo ya Puso le Ditaba tsa Setso (CoGTA).
- theha Ditsi tsa DDM jwalo ka karolo ya ho eketsa tsela ya tshebetso ya CoGTA.
- ntlafatsa maemo a puso ya bommasepala.

3. Maikemisetso a DDM

Ka kakaretso maikemisetso a DDM ke ho:

- rarolla mathata a phano ya ditshebetso maemong le mafapheng ohle a mmuso.



REPUBLIC OF SOUTH AFRICA



- etsa hore tshebetso e tsamaisane le maano mmoho le disebediswa tseo mmuso o nang le tsona ka ntlafatso ya leano la "Setereke se le Seng, Moralo o le Mong wa Tshebetso le wa Ditjhelete".
- atametsa mmuso setjhabeng ka ho matlafatsa kgokahano le tshebetso diterekeng le maamong a ditloropo tse kgolo.
- netefatsa tekatekano ho latela ditlhoko le maikemisetso a batho le setjhaba maamong a bommassepala.
- aha tsela eo mmuso o tlang ho kgona ho tshethetsa bommassepala ka yona.
- tiisa tsela ya ho lekola le ho beha maemo leihlo maamong a ditereke le a bommassepala.
- sebedisa leano le setletseng hantle mabapi le ntlafatso ya dibaka tsa mahaeng le tsa ditloropong.
- nnetefatsa ntlafatso e setletseng mmoho le ho nyolla tsela ya ho qeta tlana, ho se lekalekane le leqeme la mesebetsi.
- laola ditekanyetso tsa ditjhelete le diprojeke tsa teng ka tsela e nang le boikarabelo le e pepeneneng.

4. Ho kengwa tshebetsoeng ha DDM

DDM e tla kengwa tshebetsoeng ho latelwa ditsela tse pedi tse tla latelwa ke mafapha ohle a mmuso. Tsena e tla ba ditsela tse phatlalletseng le tse behang pele ditshebetso tsena.

Ka ho phatlalla re bolela ho ntshetsapele le ho beha pele dibaka ka ho fapana (ditereke le dibaka tsa ditloropong tse kgolo) ka tsela e bonahalang maphelong a batho le dibakeng tseo ba phelang ho tsona. Ka ho beha ditshebetso pele teng re bolela ka ho lekola botjha le ho fetola meralo ya tshebetso le ya ditjhelete ho latela seo re ratang ho se fihlela.

DDM e tla kengwa tshebetsoeng ka tsela ena e phatlalletseng ka maikemisetso a ho beha pele maikemisetso a ntshetsapele mmoho le ho lekola botjha maano a tshebetso le a ditjhelete ke maemo ohle a mmuso le ke makala a mafapha a teng mmoho le ditsi tsohle tsa mmuso.

5. Ke eng Diahelo tsa DDM?

Diahelo tsa DDM ke karolo ya leano la tshebetso la ho kengwa tshebetsoeng ha yona DDM. Tsona ke karolo ya matlafatso ya tshebetso ya CoGTA ka maikemisetso a ho ntshetsapele DDM ho etswa, ho amohelwa, ho kengwa tshebetsoeng, ho behwa leihlo mmoho le ho lekolwa botjha ha Moralo ona o le Mong wa Tshebetso.

Diahelo tsa DDM di nkuwa e le motheo wa marangrang a tshebetso le tshethetso ya tshebedisanommoho ya makala ohle a mmuso ho raleng maano maamong a ditereke le a ditloropo tse kgolo kapa re re ka kopanelo diterekeng le ditloropong tse kgolo.

6. Maikemisetso a Diahelo tsa DDM

Maikemisetso a maholo a diahelo tsa DDM ke ho:

- tsamaisa le ho bebofatsa mosebetsi ba basebetsi ba mmuso le setjhaba hore ba utlwisise ba bobebe mathata le menyeta e teng ditloropong tse kgolo.
- tsamaisa le ho bebofatsa ntlafatso ya ponelopele e tshwanang eo ho yona ho ikemiseditsweng ho fihlela sepheo se le seng sa nakong e tlang.

- tsamaisa le ho dumella ditumellano tsa basebetsi ba mmuso maamong ohle a mmuso le setjhabeng mabapi le maano a reretsweng dintlafatso le diphetoho, ka ho sebetša ka boinehelo e le ho fihlela sephetho sa nako e tlang seo ho dumellanweng ka sona.
- hokahanya makala le dikarolo tsohle tsa bommassepala e le ho fihlela qeto e nepahetseng tse nkuwang ho latelwa bopaki bo nepahetseng ba dintlha tse fumanwang dikarolong tsena.
- tsamaisa tshebedisanommoho mafapheng a mmuso meralang ya maano e le ho kgona ho lokisa diphapang tse teng le ho qoba hore mafapha a fapafapaneng a sebedise le disebediswa tse tshwanang le hona ho etsa mesebetsi e tshwanang.
- tataisa le ho netefatsa hore makala ohle a mmuso maamong a naha, a diprofensi, a bommassepala a nka karolo ditlhophisong tsa Moralo ona o le Mong wa Tshebetso.
- kopanya mmoho dintlha tsa bohlokwa bakeng sa kgokahano ya tshebetso le ho fihlelleng diqeto tse tla atlehisa Moralo ona o le Mong wa Tshebetso; mmoho le ho
- kopanya dintlha tse ka sehloohong tsa naha, maikemisetso a teng le dipehelo mmoho le dintlha tse mabapi le bommassepala le ho nka karolo ho Maano a Kopanelo a Ntshetsopele (di-IDP) jwalo jwalo.

7. Ntshetsopele ya Moralo o le Mong wa Tshebetso

Moralo ona o le Mong wa Tshebetso ke leano la mmuso la nako e telele leo e leng moralo wa tataiso bakeng sa matsete le phano ya ditshebetso ho ditereke kapa bommassepala ba itseng. Lena ke leano le thehilweng ka kopanelo ke maemo ka boraro a mmuso.

Ho rala ka kopanelo ho bebofatsa tshebedisanommoho ya maemo ohle a mmuso mabapi le Ditereke tsena tse 52 le Ditloropo tsa teng tse kgolo. Moralo ona o le Mong wa Tshebetso ke Moralo wa Motheo wa Nako e Telele o kenyeletsang le dipehelo tsa nako e telele le e bohareng ka maikemisetso a ho tataisa mmuso le makala a ikemetseng dibakeng tsa ditereke le tsa ditloropong tse kgolo. Lena ha se leano le phatlalletseng haholo kapa le batsi le kenyeletsang mesebetsi ya mafapha ohle a mmuso le a bommassepala. Moralo o le Mong wa Tshebetso o thehilwe ka tshebedisanommoho ka maikemisetso a ho ba le kutlwisiso e tshwanang ho banka karolo bohle mabapi le ditereke le ditloropo tse kgolo. Leano lena le bontsha tjebelopele e tshwanang le sephetho sa teng se tshwanang.

Le bontsha ka ho otloha dipehelo le maikemisetso maamong ka boraro a mmuso le ho banka karolo mme le nkuwa e le Leano la Tshebedisano ya Makala ohle a mmuso mmoho le setjhaba. Moralo ona o le Mong wa Tshebetso, o kengwa tshebetsoeng ke makala ohle a maemo ohle a mmuso ho latela Leano la Mmuso la Meralo le kenyeletsang ho lekolwa botjha ha Leano la Nako e Bohareng la Meralo ya Motheo bakeng sa ho lekola botjha maano a makala, a mafapha, meralo ya teng mmoho le ditshebetso tsa teng le Kgolo ya Maano a bommassepala le meralo ya di-IDP.

Re latele mme o be le seabo dipuisanong ho:



@GovernmentZA

#PresidentialImbizo